



Směrnicy za wužiwanje pjenjez ze zawostajenstwa Měrcina Salowskeho (Fonds Salowskeho, FS)

Maćica Serbska je w lěće 2010 zdžědźila ze zawostajenstwa Měrcina Salowskeho nimo knihow tež wjetšu sumu pjenjez. Předsydstwo, kiž pjenjezy wobhospodari, je so na sčěhowace postupowanje při přizwolenju financelneho spěchowanja z mjenom „Fonds Salowskeho“ (FS) dojednało a přepołoži je hłownej zhromadźiznje 2023:

1. Spěchować hodža so njekomercielne projekty našeho towarstwa abo přirodnych wosobow, kotraž wotpowěduja zaměrej našeho towarstwa.
2. Spěchowanje je zasadnje za jónkrótne projekty myslene.
3. Próstwy maja so njeformalnje w pisomnej formje na předsydstwo Maćicy Serbskeje stajić. Připołožić maja so: wopisanje projekta, financny plan, poskitki a pod. (na přikład hladajo na kóšty za čišć atd.)
4. Wo přizwolenju kaž tež wo wysokosći spěchowanja rozsudzi wosebita posudźowanska komisija, wobstějaca z třoch člonow Maćicy Serbskeje. Tuta komisija wuzwoli so wot hłownej zhromadźizny na dobu štyrjoch lět. Komisija wudžěła sej jednanski porjad.
5. Za rozsud wo přizwolenju resp. njeprizwolenju próstwy wo spěchowanje móže so posudźowanska komisija na fachowcow wobroćić a wo posudk prosyć. Přeciwo rozsudam komisije nastupajo (nje)prizwolenje projektow njeje prawnski puć móžny. Komisija ma hłownej zhromadźiznje wo swojich rozsudach rozprawjeć.
6. Jeli překroči požadana suma 1.000 €, ma hłowna zhromadźizna wo tym wothłosować.

Schwalene wot hłownej zhromadźizny Maćicy Serbskeje dnja 18. 3. 2023 w Budyšinje |
Změnjene na hłownej zhromadźiznje Maćicy Serbskeje dnja 9. 3. 2024 w Budyšinje